

Posibel accion durante fin di siman:

PROBLEMA SERIO NA AEROPUERTO RELACIONA CU CAO

ORANJESTAD(AAN) Informacionnan cu DIARIO a haya durante dianan cu a pasa, ta muestra cu tin problemanan serio na aeropuerto cu durante dianan venidero lo bay yega su punto culminante.

Trahadoman "Arubiano" cu ta traha na aeropuerto ta cansa cu nan ta ser tene na linea y ta awe nan no por yega na haya un CAO nobo definitivo. Mirando cu e CAO a vence 28 di februari ultimo sindicato ta haya cu awor ta basta y cu awor nan mester haya claridad riba e CAO nobo cu mester worde firma.

Aeropuerto a haya un boshi di director nobo y actualmente e director di finanzas señor Wever a pidi pa sindi-

cato tene pasenshi te cu fin di maart, pero trahadonan no kier warda te fin di maart.

Trahadonan ta bisa cu si tin placa pa paga 4 director y tambe paga abogado riba un miyon florin anto ta pakico no tin placa pa paga trahadonan?

Gerencia di aeropuerto tabata bisa cu nan no tabata tin un bista completo ainda di e situacion financiero y ta pesey nan no por a deal ainda cu sindicato pero na mesun momento cu nan a bisa esaki nan a saca mas cu 300.000 florin pa paga abogado.

Na Aeropuerto tin e mesun storia cu casi tur caminda na Aruba caminda pa extranheronan tin boshi di placa mesora disponibel, pero pa yiunan di tera semper no tin salarionan husto o na mesun nivel cu extranheronan si ta haya.

Trahadonan mester a tende cada biaha cu nan mester warda riba e raport cu oficina di accountant mester presenta ainda, pero ayera trahadonan

por a tende bon cla con señor Nelson Oduber tabata papia riba e raport di account durante reunion di Parlamento cu a trata e asunto di aeropuerto.

Si Nel mes tin e raport anto con bin cu aeropuerto no tin esaki y debi na esaki nan no por sinta cu sindicato na mesa, aki ta ken ta tuma ken

haci?

Sindicato ta bisa cu si pa awe atardi 4'or directiva di aeropuerto no sinta cu sindicato nan mesa pa asina regla un ke otro relaciona cu e CAO nobo anto tur consecuencia cu lo por surgi lo cay pa directiva di aeropuerto.

Trahadonan ta dispuesto pa bay den accionnan determi-

nan te y ta pesey awe lo bay ta un dia importante pa desaroynan na aeropuerto.

Trahadonan ta haya cu e departamento di Human Resources ta haci y deshaci cu trahadonan Arubiano y gerencia mes su nanshi ta sangra den e stof di Santa Martha cu keto bay ta supla riba aeropuerto.

CDA y PVDA empata den eleccion despues di 30% di voto conta

ORANJESTAD(AAN): Den eleccion municipal ayera na Hulanda, partido cristianodemocrata CDA cu ta den oposicion y partido laborista di prome ministro Wim Kok, PVDA, tabata empata despues di a conta 30 % di votonan.

CDA cu a bandona poder 4 aña pasa despues di tabata den poder hopi aña, a obtene

23,5 % di votonan (-1,9 % respecto 1994, contra 23,3 % di PVDA (+3,1%)

E partido liberal di derecha, VVD lo por conta cu 20,4 % (+2,6%) mientras cu su rival di semper, e partido liberal di derecho, D-66, lo registra un gran derota cu 5,4 %, perdiendo 9,1 % di votonan.

E partidonan di inters local lo obtene cerca di 17 % di

votonan, un aumento di un punto respecto ultimo eleccionnan municipal.

E tasa di participacion tabata 39 % di un total di 11,5 miyon elector hulan- des, stranhero registra mas di 4 aña den alcaldia di nan departamento y miembronan di Union Europeo registra desde mas di seis siman), e tasa mas abao (61 % desde 1990 (62 %)

PREJS DI GASOLINE BAHANDO TAMBE NA ARUBA

ORANJESTAD (AAN): Bo por kere cu actualmente na algun parti di Merca, cu prijs di gasoline ta mas abao cu durante di decada di 1970? Demanda abao pa combustible, y suministro di mas rond mundo, a pone cu prijs a cay drasticamente.

Tambe e hecho cu Merca no a conoce un "invierno friu", a pone cu e demanda pa combustible a keda abao.

Na Aruba tambe por sinti esaki entrante awe na pomp di gasoline.

Un comunicado di Ministro di Asuntunan Economico ta trece na conocimiento di pueblo, cu prijs di productonan petrolero entrante ayera Diaranzon 4 di Maart lo baha.

Gasoline (Leaded) a baha cu 0,5 cent pa asina bira 111,2 cent pa liter.

Gasoline (Unleaded) a baha cu 0,5 cent pa asina bira 113,6 cent pa liter.

Gasol (Shell) a baha cu 0,7 cent pa asina bira 78,4 cent pa liter.

Gasol (Coastal) a baha cu 0,7 cent pa asina bira 76,3 cent pa liter.

Kerosine a baha cu 1,3 cent pa asina worde bendi na 72,7 cent pa liter.

E SOLUCION !!

